

14. desember 2022

Tilvísun: 2207073

Dreifibréf númer: 43/2022
til váttryggingafélaga
(að undanskilinni Náttúruhamfaratryggingu Íslands)
og Samtaka fjármálafyrirtækja

Efni: Viðmiðunarreglur EIOPA um mörk váttryggingasamings - Gjaldþolsáætlun II (Solvency II).

Fjármálaeftirlit Seðlabanka Íslands (fjármálaeftirlitið) vekur athygli á því að Evrópska váttrygginga- og lífeyrissjóðaeftirlitsstofnunin (EIOPA) hefur gefið út endurskoðaðar (e. revised) viðmiðunarreglur (e. guidelines) um mörk váttryggingasamnings [EIOPA-BoS-22/218](#).¹ Viðmiðunarreglurnar taka gildi 1. janúar 2023 og er þeim ætlað að gilda samhliða gildandi viðmiðunarreglum um sama efni frá árinu 2014 [EIOPA-BoS-14/165](#).

Viðmiðunarreglurnar eru settar fram í sex tölusetnum liðum og gilda bæði um einstök fyrirtæki og samstæður. Þær fela annars vegar í sér nýjar viðmiðunarreglur og hins vegar breytingar eða brottfall á eldri viðmiðunarreglum um það hvernig beita eigi kröfum sem fram koma í tilskipun Evrópuþingsins og ráðsins 2009/138/EB frá 25. nóvember 2009 um stofnun og rekstur fyrirtækja á sviði váttrygginga og endurtrygginga - Gjaldþolsáætlun II (Solvency II),² sem innleidd var í íslenskan rétt með lögum nr. 100/2016 um váttryggingastarfsemi og lögum nr. 60/2017 um váttryggingasamstæður, og kröfum sem fram koma í framseldri reglugerð framkvæmdastjórnarinnar (ESB) nr. 2015/35 frá 10. október 2014 um viðbætur við þá tilskipun, sem innleidd var í íslenskan rétt með reglugerð nr. 55/2022, um gildistöku reglugerða Evrópusambandsins um váttryggingastarfsemi og váttryggingasamstæður.³ Viðmiðunarreglurnar varða sér í lagi það hvernig framkvæma eigi mat á því hvort vernd eða fjárhagsleg trygging (e. financial guarantee) hafi merkjanleg áhrif á fjárhagslega þætti váttryggingasamnings (e. economics of the contract), sbr. einkum XIV. kafla laga nr. 100/2016, um váttryggingastarfsemi, og reglugerð nr. 55/2022. Sérstök athygli er vakin á því að

¹ e. Revised Guidelines on Contract Boundaries.

² e. Directive 2009/138/EC of the European Parliament and of the Council on the taking-up and pursuit of the business of Insurance and Reinsurance (Solvency II).

³ e. Commission Delegated Regulation (EU) 2015/35 of 10 October 2014 Supplementing Directive 2009/138/EC of the European Parliament and of the Council on the taking-up and pursuit of the business of Insurance and Reinsurance (Solvency II) – suppl. Solvency II.

ekki er nauðsynlegt að endurmeta mörk gildandi váttryggingasamninga nema vísbendingar gefi til kynna að fyrra mat geti talist verulega frábrugðið því sem fengist hefði samkvæmt endurskoðuðum viðmiðunarreglum. Við slíkar aðstæður skal endurmeta mörk váttryggingasamnings óháð því hvenær hann var undirritaður.

Viðmiðunarreglurnar eru tilkomnar vegna endurskoðunar EIOPA á Gjaldþolsáætlun II (Solvency II) regluverkinu sem framkvæmd var árið 2020 og er þeim einkum ætlað að samræma framkvæmd váttryggingafélaga við mat á mörkum váttryggingasamnings.

Samkvæmt 3. mgr. 16. gr. ESAs reglugerðanna, sem innleiddar voru með lögum nr. 24/2017, um evrópskt eftirlitskerfi á fjármálamarkaði, eiga lögbær yfirvöld og eftirlitskyldir aðilar að leita allra leiða til að fara að viðmiðunarreglum evrópsku eftirlitsstofnananna og almennum tilmælum. Tilgangur viðmiðunarreglnanna er að koma á samhæfðri, skilvirkri og árangursríkri eftirlitsframkvæmd innan evrópska fjármálakerfisins og tryggja sameiginlega, einsleita og samræmda beitingu á löggjöf innan EES.

Fjármálaeftirlitið beinir því til váttryggingafélaga að kynna sér framangreindar viðmiðunarreglur og taka framvegis mið af þeim í starfsemi sinni. Fjármálaeftirlitið mun styðjast við viðmiðunarreglurnar í eftirlitsframkvæmd við mat á því hvort váttryggingafélög uppfylli kröfur sem fram koma í þeim lögum, reglum og viðmiðunarreglum sem varða Gjaldþolsáætlun II (Solvency II) regluverkið.

Dreifibréf þetta mun birtast á vefsíðu Seðlabankans ásamt slóð á enska útgáfu viðmiðunarreglnanna.

Virðingarfyllt,
SEÐLABANKI ÍSLANDS

Rúnar Guðmundsson
framkvæmdastjóri
lífeyris og váttrygginga

Jón Ævar Pálmason
sérfræðingur í áhættugreiningu
lífeyris og váttrygginga